



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e-mail: info@voda.ba

Broj: **UP-1/21-1-40-378-2/23**
Datum: **12.09.2023. god**

«Agencija za vodno područje rijeke Save» Sarajevo rješavajući po zahtjevu pravnog lica «GAUDIUM» d.o.o. Doboj Istok za donošenje Rješenja o prethodnoj vodnoj saglasnosti za ispuštanje tehnoloških otpadnih voda sa lokaliteta objekta samouslužne autopraonice na platou KONZUM-a (u vlasništvu «VF-KOMERC» d.o.o. Sarajevo) u Lukavcu, na osnovu člana 110. stav (3) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE

1. Odbija se zahtjev pravnog lica, «GAUDIUM» d.o.o. Doboj Istok za donošenje rješenja o prethodnoj vodnoj saglasnosti za ispuštanje tehnoloških otpadnih voda sa lokaliteta objekta samouslužne autopraonice koji se planira graditi na platou KONZUM-a (u vlasništvu «VF-KOMERC» d.o.o. Sarajevo), na zemljištu označenom kao k.č. broj: 2092/43 K.O. Lukavac, grad Lukavac s obzirom da za predmetnu aktivnost, a u skladu s odredbama člana 110. stav (3) Zakona o vodama, nije propisana obaveza pribavljanja vodnih akata od strane ove Agencije.
2. Ukoliko davalac usluga, JP «RAD» d.o.o. Lukavac, a u skladu sa članom 28. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), uskrati pružanje usluga za ispuštanje tehnoloških otpadnih voda sa predmetnog lokaliteta u javni kanalizacioni sistem, vlasnik ili korisnik predmetnog objekta je u obavezi pribaviti odgovarajuće vodne akte, a sve u skladu sa članom 139. stav (1) tačka 3. Zakona o vodama.
3. Ovo Rješenje ne oslobađa podnosioca zahtjeva obaveze pribavljanja suglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovim Rješenjem, korisnik zaštitnih vodnih objekata nije odgovoran za nastale štete.
5. Ovo Rješenje se može izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, «GAUDIUM» d.o.o. Doboj Istok, podnijelo je Agenciji dana 01.09.2023. godine zahtjev za izdavanje prethodne vodne saglasnosti za ispuštanje tehnoloških otpadnih voda u prirodni recipijent sa lokaliteta objekta samouslužne autopraonice, koji se planira graditi na platou KONZUM-a (u vlasništvu «VF-KOMERC» d.o.o. Sarajevo), na zemljištu označenom kao k.č. broj: 2092/43 K.O. Lukavac, grad Lukavac.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka broj: 032-0-Reg-20-000080 od 22.01.2020. godine izdatog od Općinskog suda u Tuzli,
- Ovjerena kopija Uvjerenja o poreznoj registraciji od 18.10.2011. izdatog od Porezne uprave FBiH-Kantonalni porezni ured Tuzla,
- Dokaz o uplaćenju upravnoj taksi,
- Ovjerena kopija Mišljenja sa izvodom iz Prostornog plana Tuzlanskog kantona («Službene novine Tuzlanskog kantona», broj 9/06 i 14/21) broj: 05-19-3444/23 od 28.08.2023. izdatog od Službe za urbanizaciju, imovinske i geodetske poslove Grada Lukavac,
- Ovjerena kopija Izvoda iz posjedovnog lista broj 3155 od 21.08.2023. izdatog od Službe za urbanizaciju, imovinske i geodetske poslove Grada Lukavac,
- Ovjerena kopija Zemljišnoknjižnog izvotka broj: 126-0-NAR-23-002 609, ZK uložak broj 4616, od 21.08.2023., izdatog od Zemljišnoknjižnog ureda Općinskog suda u Lukavcu,

- Kopija Načelne saglasnosti za priključenje na vodovodnu i kanalizacionu mrežu objekta broj: 05-02-3598/23 od 23.08.2023. izdate od JP «RAD» d.o.o. Lukavac,
- Studija za prethodnu vodnu saglasnost za poslovni objekat – samouslužna autopraonica na parceli k.č. broj 2092/43 K.O. Lukavac, grad Lukavac, juli 2023., urađena od «TZI-INŽENJERING» d.o.o. Sarajevo.

Na osnovu dostavljene dokumentacije utvrđeno je sljedeće:

- Objekat samouslužne autopraonice «GAUDIUM» se planira graditi na platou KONZUM-a (u vlasništvu «VF-KOMERC» d.o.o. Sarajevo) u Lukavcu. Planirana su 4 natkrivena boksa za pranje vozila.
- Parcela na kojoj se planira graditi predmetni objekat se ne nalazi u vodnom dobru, poplavnom području vodotoka I kategorije, niti u području zaštitnih zona površinskih i podzemnih voda.
- Tehnološke otpadne vode nastale pranjem vozila će se prikupljati sistemom betonskih kanala sa slivnom rešetkom i kanalizacione mreže i odvoditi na tretman u separator masti i ulja. Preliv iz separatora je u kanalizacioni sistem kojim upravlja JP «RAD» d.o.o. Lukavac.
- Za priključak predmetnog objekta samouslužne autopraonice na kanalizacioni sistem izdata je od strane nadležnog operatora JP «RAD» d.o.o. Lukavac Načelna saglasnost za priključenje na vodovodnu i kanalizacionu mrežu objekta broj: 05-02-3598/23 od 23.08.2023. godine.
- U konkretnom slučaju se radi o ispuštanju otpadnih voda u javni kanalizacioni sistem kojim upravlja JP «RAD» d.o.o. Lukavac, te shodno odredbama člana 110. stav 3. Zakona o vodama i člana 28. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/1, 41/20 i 63/22) nije potrebno izdavanje vodnog akta za predmetnu aktivnost. Uslove za ispuštanje otpadnih voda iz predmetnog objekta propisat će operator kanalizacionog sistema koji posjeduje Rješenje o vodnoj dozvoli broj: UP-I/25-3-40-495-4/20 od 22.01.2021. godine za ispuštanje komunalnih otpadnih voda iz urbanog područja grada Lukavac izdato od ove Agencije.
- U navedenom Rješenju su utvrđeni uslovi pod kojima je isto izdato, a koje je operator dužan ispunjavati.

Iz naprijed navedenih razloga, a u skladu s članom 110. stav (3) Zakona o vodama i članom 200. stav (1) Zakona o upravnom postupku, riješeno je kao u dispozitivu ovoga Rješenja.

Podnosilac zahtjeva je uplatio upravnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.

202 Po ovlaštenju
Rukovodilac sektora za izdavanje vodnih akata

Haris Ališehović, dipl.ing.građ.

Dostaviti:

- «GAUDIUM» d.o.o. Doboj Istok
Brijesnica Velika bb, 74206 Doboj Istok
- AVP Sava, ISV-vodna knjiga
- ⊙ Sektor 40 – arhiva
- Oglasna ploča – AVP Sava